



22 желтоқсан, бейсенбі 2022 жыл

e-mail: syrboyi@yandex.kz / www.syrboyi.kz

www.facebook.com/syrboyi.kz/

www.instagram.com/syrboyi_kz

https://twitter.com/syrboyi

t.me/syrboyi_kz

3 Бірлескен жұмыс нәтижелі



4 Сапалы өнімге сұраныс көп



6 Топжарған тас қалаушы



6 "Жас қанатта" қанаты қатайған



ПРЕЗИДЕНТ



КЕЛІСІМДЕРГЕ ҚОЛ ҚОЮ ЖОСПАРЛАНҒАН

Қазақстан Республикасының Президенті Қасым-Жомарт Тоқаев Өзбекстанға мемлекеттік сапармен барды. Мемлекет басшысын Ташкент халықаралық әуежайында Өзбекстан Президенті Шавкат Мирзиёев қарсы алды.

Екі күндік сапар аясында Өзбекстан Президентімен шағын және кеңейтілген құрамда келіссөздер жүргізу, бірқатар келісімге қол қою жоспарланған.

Мемлекет басшысы Өзбекстан Республикасы Президентінің Ташкенттегі «Қуксарой» резиденциясының құрметті қонақтар аллеясында ағаш екті.

Мемлекет басшысы Қасым-Жомарт Тоқаев Өзбекстанға мемлекеттік сапары барысында Ташкент қаласындағы Тәуелсіздік монументіне гүл шоғын қою рәсіміне қатысты.

«Янги Узбекистон» саябағында орналасқан монумент былтыр осы ел Тәуелсіздігінің 30 жылдығына орай орнатылған. Ескерткіште өзбек халқының

тарихындағы ең маңызды оқиғалар мен белгілі мемлекет қайраткерлерінің, қолбасшылары мен ғалымдарының бейнелері кескінделген.

СҰХБАТ

Нұрлыбек НӘЛІБАЕВ, облыс әкімі:

"ХАЛЫҚТЫҢ ӘЛ-АУҚАТЫН КӨТЕРУ – БІЗДІҢ СТРАТЕГИЯЛЫҚ МАҚСАТЫМЫЗ"

Мемлекет басшысы Қасым-Жомарт Тоқаевтың Сыр еліне қолдауы негізінде соңғы 8 айда ауқымды жұмыстар атқарылып, жаңа жобалар жүзеге асқан. Бұл туралы облыс әкімі Нұрлыбек Нәлібаев «Хабар 24» телеарнасындағы «Бетпе-бет» бағдарламасында берген сұхбатында айтты. Сұхбатты жүргізген «Хабар» агенттігі АҚ басқарма төрағасы Берік Уәли. Сұхбаттың жазбаша нұсқасын оқырман назарына ұсынамыз.

Берік Уәли: – Бағдарламамыздың бүгінгі қонағы – Қызылорда облысының әкімі Нұрлыбек Нәлібаев мырза. Нұрлыбек Машбекұлы, студиямызға қош келдіңіз. Алаштың анасы атанған Сыр елі қашан да Президентіміздің ерекше назарында. Туған жеріңіз Қызылорда өңірін көркейтеу жолында аянып та жатқан жоқсыз. Өзіңіз әкім болғаныңызға 8 ай болған екен. Осы 8 ай ішінде аймақты дамытуға қандай нақты қадамдар, жұмыс жасап жатырсыз? Әңгімемізді осыдан бастасак...

Нұрлыбек Нәлібаев: – Үлкен рахмет! Биыл жылды табысты әрі нәтижелі қорытындылауға толық негіз бар деп айтсақ, артық емес. Президентіміз Қасым-Жомарт Кемелұлы Тоқаевтың қолдауымен өңірде заманауи әлеуметтік нысандар салу ісі қарқын алып, экономиканың барлық көрсеткіштерінде оң динамикаға қол жеткіздік. Қазіргі кезде өңірдің дамуы қарқынды сипат алып, барлық көрсеткіштерде оң динамика қалыптасты. Өңдеу өнеркәсібінде өнім өндірісі қазір 8,5 пайызға ұлғайды. Ауыл шаруашылығы өнімдерінің экспорты өткен жылмен салыстырғанда 71 пайызға өсті. Оның 95 пайызын өңделген өнім құрайды. Соңғы жылдарда импорттаушы елдердің саны

Халықтың әл-ауқатын көтеру – біздің стратегиялық негізгі мақсатымыз. Жұмыспен қамту бағытында Президенттің 10 мың тұрғынға 100 жұмыс орнын құру бойынша тапсырмасы 2 есеге орындалды. Дәлірек айтсақ, 205 пайызға орындалып отыр. Бүгінде 28 мыңнан астам жұмыс орны жаңадан құрылды. Оның ішінде 14 мыңнан астамы – тұрақты жұмыс орны.

Қазір тұрғын үй беруге де үлкен көңіл бөліп жатырмыз. Тұрғын үй берілуі 6,4 пайызға өсті. Алдағы үш жылда 2 млн шаршы метрден астам тұрғын үй саламыз деп жоспарлап отырмыз. Келесі аптада облыстық бюджет есебінен үйлері апатты деп танылған 100-ге тарта отбасына жаңа үйлердің кілтін табыстайтын боламыз. Келесі жылы жастарға да үй салу жұмыстарына үлкен көңіл бөліп, оған да облыстық бюджеттен қаржы қарастырамыз. «Отбасы» банкпен бірге өңірде жаңа жобаларды жүзеге асырып, бірінші кезекте жастарды, мұқтаж азаматтарды тұрғын үймен қамтысақ деген үлкен жоспарымыз бар.

2-бет



17-ден 21-ге дейін көбейді. Жұмыс жасап тұрған шағын және орта бизнес субъектілерінің саны 29,5 пайызға артты. Оларда жұмыспен қамтылған азаматтар саны 6,4 пайызға өсіп отыр. Кәсіпкерлікті жан-жақты қолдаудамыз. Биыл кәсіпкерлік саланы қолдауға әртүрлі көздерден 20 млрд теңгеге жуық қаржы қарастырылды. Оның шеңберінде 1300-ден аса жоба несиелендірілді. 3400-ден аса жобаға қайтарымсыз гранттар берілді. Гранттардың 40 пайызын жас кәсіпкерлердің жобаларын қолдауға арнап жатырмыз.



ҚЫЗЫЛОРДА ОБЛЫСЫНЫҢ ӘКІМІ
НҰРЛЫБЕК НӘЛІБАЕВТЫҢ

27 желтоқсан 17:30

ҚЫЗЫЛОРДА ҚАЛАСЫНЫҢ ХАЛҚЫМЕН КЕЗДЕСУІ

Құқық қорғау органдарының бірінші басшыларымен бірге **ЖЕКЕ ҚАБЫЛДАУ** өткізеді

ДОСТЫҚ ҮЙІ 15:00

Осы платформалар арқылы сұрақ жолдап аласыз

8 (7242) 40-11-91 (70-46; 70-91)

Құрметті Қызылорда қаласының тұрғындары! Қазақстан Республикасы Президентінің 2022 жылғы 3 наурыздағы №826 «Әкімдердің халықпен кездесулерін өткізу туралы» Жарлығын іске асыру аясында Қызылорда облысының әкімі Нұрлыбек Машбекұлы Нәлібаев құқық қорғау органдарының бірінші басшыларымен бірге Қызылорда қаласында 27 желтоқсан күні, сағат 15.00-17.30 аралығында «Достық үйінде» тұрғындармен жеке қабылдау өткізеді. Сондай-ақ, 17.30-да «Достық үйінде» халықпен кездеседі. Жеке қабылдауға алдын ала жазылу «Е-gov», «E-online» бірінші порталы, Халыққа қызмет көрсету орталықтары арқылы «Е-Нәтиже» және қала әкімдігіне тікелей барып, жазбаша нысанда өтініш беру арқылы жүргізіледі. Кері байланыс орнату мақсатында өтініш берушінің аты-тегі, сұрақтың мәні, мекен-жайы, байланыс телефоны және электронды пошта нақты көрсетілуі қажет. Қабылдау бойынша сұрақтарды 8 (7242) 40-11-91 (ішкі 7046), (ішкі 7051), (ішкі 7049) телефондары арқылы білуге болады.

ҚОҒАМ АЙНАСЫ ЖӘНЕ ҚҰНДЫЛЫҚТАР АРҚАУЫ

«Достық үйінде» облыстық қоғамдық даму басқармасы «Сыр қоғамы – руханият бесігі» атты жылдық қорытынды салтанатты шарасын өткізді. Оған облыс әкімінің орынбасары Нұрымбет Сақтағанов қатысты.

Сп Айсәуле ҚАРАПАЕВА, «Сыр бойы»

Биыл тәуелсіз Қазақстан жаңа бастамалар мен саяси реформаларға тың қадам жасады. Ата Заңымыз – Конституцияға өзгерістер енгізілген бүкілхалықтық референдум маңызды шара болды. Ал жиырмасыншы қарашадағы ең ауқымды әрі маңызды саяси оқиға – Қазақстан Республикасы Президентін кезектен тыс сайлау болды. Бұл сәтте де Сыр халқы мызғымас

бірлік пен тату тірліктің нағыз үлгісін көрсетті. Жыл алмасар шақта әрбір сала атқарылған жұмысын саралап, алдағы күннің міндет межесін анықтайды. Тарих қойнауына еніп бара жатқан кезеңді облыстық қоғамдық даму басқармасы аймақтың қоғамдық-саяси ахуалының тұрақтылығы мен идеологиялық тұрғыдағы толымды тірліктермен нәтижелелеуді



Жастар театры артистерінің қойылымымен басталған салтанатты шараның ашылуында облыс әкімінің орынбасары Нұрымбет Сақтағанов

өтіп бара жатқан жылда облыстық қоғамдық даму басқармасы 20 жылдық белесті қорытындылап, жаңа кезеңге аттағанын айтты. Жылдың

есте қаларлық оқиғаларына тоқталды.

– Тарих қойнауына еніп бара жатқан 2022 жыл кәсіретті қаңтар оқиғасымен

басталды және мәңгі есте қалды. Халқымыз өте қиын сынақты бастан өткерді. Мемлекетіміздің тұтастығына, азаматтарымыздың қауіпсіздігіне, еліміздің болашағына қауіп төнген сол күндер біріміздің жадымызда. Тұнығымызды лайлауға әрекет еткендерге дер кезінде тойтары берілді. Бұл Тәуелсіз Қазақстан тарихына «Кәсіретті қаңтар» деген атпен енді. Өткеннің сабағы жаңа қоғамның табалдырығын аттап, баршамыздың ортақ үйіміз – Жаңа Қазақстанды құруға түрткі болды. Бастысы – ел басына түскен осындай сынақты қайыспай, біртұтас ел болып еңсере білдік.

4-бет

Қоғам айнасы және құндылықтар арқауы



Сол сындарлы сәтте Мемлекет басшысы халыққа арнап бірнеше үндеу жасап, жағдайды жан-жақты түсіндірді. Бұл ретте, азаматтық қоғам өкілдері де халықты елдік мүддеге шақырып, тәуелсіздіктің қадір-қасиетін, татулық пен тұрақтылықтың, тыныштық пен бейбітшіліктің қаншалықты маңызды екенін бұрынғыдан да белсенді насихаттады. Қоғамда тараған түрлі қауесеттің жалған түсініктің қалыптасуына жол бермеді.

«Жаңа Қазақстан» термині пайда болғалы қоғамдық-саяси ахуалды сараптап отыратын қоғамдық даму басқармасына бұған қатысты сұрақ талай рет қойылған болар. Бұл ұлттық идея халықты ұлттық тұтастыққа, бірлікке, әділеттілікке ұмтылдырды. Бір аймақтың, бір әлеуметтік топтың емес, тұтас ұлттың мәселесі жақындауы, бауырласу үрдісін жылдамдатты, – деді Нұрымбет Аманұлы.

Жаңа Қазақстан, Әділетті Қазақстан құру бастамасы жыл бойы саясаттың, экономиканың, идеологияның алтын тіні болды. Нұрымбет Сақтағанов жалпыұлттық референдумда Сыр бойы жұртшылығы белсенділік танытқанын атап өтті. Биыл Республика күніне ұлттық мереке мәртебесі қайтарылғанын, оны 25-қазанда еліміздің басты мерекесі ретінде атап өту туралы ұсыныстың кең көлемде қолдау тапқанын да тілге тиек етті.

Түбегейлі бетбұрысқа жол ашқан ауқымды өзгерістердің бірі Президент сайлауы еді. Сайлау науқанында еліміздің болашағы туралы түрлі мазмұнды пікірталастар өрбіді. Бұл ретте де Сыр жұрты өз болашағына бей-жай қарамайтын көрсетті. Науқанды өңірлер бойынша екінші орынмен қорытындылап, елдік мұратқа келгенде ата жолы мен ерік білдірудің заманауи, өркениетті жолын сабақтастырды.

Облыс әкімінің орынбасары бүгінде әлеуметтік-саяси шиеленістің алғышарттарын анықтау үшін тұрақты мониторинг жүргізіліп келетініне тоқталды. Өзекті мәселелер тоқсан сайын «Әлеуметтік шиеленіс ошақтары картасына» енгізіледі.

– Әлеуметтанушылар өңірде қолға алынған жаңа бастамаларға, өзекті түйткілдерге, қордаланған мәселелерге зерттеулерді ұдайы жүргізеді. Нәтижесінде, облыс әкіміне қоғамдық даму басқармасы тарапынан 12 ұсыныс беріліп, тұрғындарға қолайлы орта қалыптастыру үшін құзырлы мекемелер бірқатар тиісті шара қабылдады. Республикалық және облыстық медиа кеңістіктегі бұқаралық ақпарат құралдарында жоғарыда аталып өткен саяси маңызды шаралар, Мемлекет басшысының Жолдаулары, мемлекеттік бағдарламалардың орындалуы, аймақтың әлеуметтік-экономикалық дамуы мен жетістіктерімізді көрсететін түрлі тақырыптар талқыланды. Бұл бағыттағы барлық жұмыстарды үйлестіру де осы қоғамдық даму басқармасының құзырында. Жыл бедеріндегі Өңірлік коммуникациялар қызметі алаңындағы брифингтер санының артуы, 20-ға жуық интернет ресурстардың ашылуы ақпараттық дәуірдің беталысын аңғартқандай.

Азаматтық қоғам институттарымен, мемлекеттік тіл саясаты саласындағы, өңірдегі этносаралық ахуалға қатысты, жастар саясаты, діни ахуалды зерделеудегі барлық қызметі аймақтың қоғамдық-саяси ахуалының тұрақтылығын сақтауға бағытталды. Өтіп бара жатқан жылда облыстық қоғамдық даму басқармасы 20 жылдық белесті қорытындылап, жаңа биігінің табалдырығын аттады, – деп атап өтті Н. Сақтағанов.

Айта кетейік, Қызылорда облысы әкімдігінің 2002 жылғы 30 қазандағы №526 шешіміне сәйкес «Қызылорда облыстық ішкі саясат департаменті» болып құрылған мекемеде алғашында 4 бөлімде 12 қызметкер жұмыс жасаған (қазір 8 бөлім, 30 қызметкер). Онан бері де бірнеше рет құрылымдық өзгерістер болып, Әбенов Мұрат Абдуламұтұлы, Жарқынбаев Ғайнулла Зейнуллаұлы, Мұхамеджанова Әлия Ғафурқызы, Дәдікбай Марағат Кенжебекұлы, Жәліев Нұрхан Бұқарбайұлы, Күмісходжаев Ербол Серікбайұлы, Рүстемов Руслан Рүстемұлы, Жылқышыева Жазира Жаксылыққызы, Қайруллаев Айдын Бөкенбайұлы, Маханов Талғат Төлібайұлы сияқты басшылар басқармаға жүктелген жұмыстарға жетекшілік етті. Биылғы жылы құрылымның атауы «Қызылорда облысының қоғамдық даму басқармасы» болып қайта өзгертіліп, Қазбекова Мира Жомартқызының басшылығымен ашық азаматтық қоғамды одан әрі дамытып, аймақтың қоғамдық-саяси ахуалының тұрақтылығын сақтауда тынымсыз әрі ауқымды жұмыстар жүргізілуде.

Бұл ретте облыс әкімінің орынбасары «Түбегейлі реформалар қарсаңында, күрделі жолдың басында тұрған еліміздің Әділетті Қазақстан құру мақсаты өз ісін білетін, жанашыр, патриот жандардың жанкешті еңбегімен ілгерілейді. Осы мұрат жолында баршамызға жүктелер міндет аз емес», – деп шегелей түсті.

Салтанатты шараларда қоғамдық-саяси маңызды шараларда белсенділік танытып, аймақтың дамуына елеулі үлес қосқан бірқатар азаматтар Қызылорда облысының Құрмет грамотасымен, Қазақстан Республикасы Парламенті Мәжілісінің Төрағасы Ерлан Қошановтың Алғыс хатымен, облыс әкімінің Алғыс хатымен марапатталды. Сондай-ақ 27 номинация бойынша «Жыл үздіктері» анықталды.

Шараның мазмұнды өтуіне басқармаға қарасты мекемелер азаматтары да үлес қосты. Олар микрофон ұстап өздерінің жүргізушілік шеберліктерін көрсетті. Жыл жабар жынынның татулықты ту еткен «Достық үйінде» өтуінің өз себебі бар. Облыстық қоғамдық даму басқармасы жұмысының алға басуына жыл көлемінде қолдау

білдіріп, әріптестік орнатқан мемлекеттік мекемелер мен ұжымдар, жекеден азаматтарға да алғыс білдірілді. Әсіресе, Қызылорда облысының ардагерлер кеңесі, облыстық қоғамдық кеңес, облыстық әйелдер кеңесі, Халықаралық «Қазақ тілі» қоғамының облыстық филиалы және басқа да мекемелерді атап өтуге болады.

Сахнаға өзге ұлт өкілдері де шығып, қазақ тілінде сөйлеп, шараның әрі қарай мазмұнды өтуіне атсалысты. Фархат Халиуллаев және Наталья Мишановтың Алғыс хатымен, облыс әкімінің Алғыс хатымен марапатталды. Сондай-ақ 27 номинация бойынша «Жыл үздіктері» анықталды.

Шараның мазмұнды өтуіне басқармаға қарасты мекемелер азаматтары да үлес қосты. Олар микрофон ұстап өздерінің жүргізушілік шеберліктерін көрсетті. Жыл жабар жынынның татулықты ту еткен «Достық үйінде» өтуінің өз себебі бар. Облыстық қоғамдық даму басқармасы жұмысының алға басуына жыл көлемінде қолдау



жүріп, кешегідей пандемия кезінде дәрігерлер, күштік құрылым өкілдерімен бірге ең қиын сәттерде шынайы ақпарат таратқан журналистер қауымына да басқарма қызметкерлері ризашылықтарын білдірді. Өңірлік БАҚ-тың тыныс-тіршілігі мен жетістіктері паш етілді.

Сыр өңірі – қазақылықтың, руханияттың қайнаған ордасы. Аймақтың ғасырлар бойы қалыптасқан шығармашылық мектебінен өткен және сала мамандарынан тәлім алған мыңдаған журналистер еліміздің әр өңірінде, абыройлы қызмет етуде. Бүгінде облыстың медиа кеңістігіндегі 148 БАҚ-та 2500-ге жуық қаламгер жұмыс істейді. Заман талабына сай жаңғыру мен жаңарудың жолында бұл іргелі индустриялы салаға айналды. Кейінгі екі жылдың ішінде өңірде 20-дан астам ақпараттық интернет ресурс ашылып, бәсекелестік орта қалыптасып келеді. Еліміздегі түрлі саяси-тарихи маңызды шаралар, Мемлекет басшысының Жолдаулары, мемлекеттік бағдарламалардың орындалуы, аймақтың әлеуметтік-экономикалық дамуы, ғылыми мен жетістіктерін көрсететін түрлі тақырыптарда республикалық БАҚ-та 2289 ақпарат жарияланса, жергілікті телеарналарда 90 мың сюжет, 6300 бағдарлама мен ток-шоу әзірленген. Ал облыстық қалалық, аудандық газеттерде жарияланған 25 мыңға жуық мақала 10 миллион данамен таратылған.

Журналистер қауымының ел өміріндегі өзгерістерді бағамдап, жаңалықтарды жедел әрі шынайы жеткізудегі қызметі өлшеусіз. Олар уақытпен санаспайды, керісінше уақытты пайдалануда мейлінше тиімді жұмыс атқарады. Кеште белгілі журналистер Алтынай Молжанова, Мұрат Жетпісбаев, Гүлнұр Бүркітбаева, Олжас Дәуіт сахна төрінде ең шырыл, көрермен көңілін серпілтіп.

Шара барысында өңірдегі 35 түрлі этнос өкілдерінің тату-тәтті тірлігі үлгі етілді. Олар мемлекетіміздің өсіп-өркендеуі мен Жаңа Қазақстанды бірге құруға өз үлесін қосуда. Бірлік пен татулықтың алтын діңгегіндей облыстық Қазақстан халқы ассамблеясы туралы бейнероликте баяндалды. Неміс этномәдени бірлестігі жанындағы «Адажио» шоу бағдарламасымен жалғасқан кеш жұртшылықты жалықтырмады. Сыр жастарының да толымды тірліктері айтылып, көрермен назарына ұсынылды. Қоғамдық жұмыстарда белсенділік танытатын азаматтық қоғам өкілдері де сахна төріне шығып, ән салды.

Облыстық қоғамдық даму басқармасының жыл тоғысар сәттегі қорытынды шарасы әдеттегі жиындардай емес, жаңа сипатта, жаңа мазмұнда әсер қалдырды.

Суреттерді түсірген Нұрболат НҮРЖАУБАЙ.

Өңір өнімі

Сапалы өнімге сұраныс көп

Қазалыда жыл басынан бері кәсіпкер болуға ынталы 1858 адам тіркелген. Аудандық кәсіпкерлік, өнеркәсіп және туризм бөлімінің мәліметінше, ауданда барлығы 5883 кәсіпкерлік субъектісі бар. Оның ішінде 4005 жеке кәсіпкер, 302 заңды тұлға және 1586 шаруа қожалығы жұмыс істейді. Бүгінде жұмыс істеп тұрған шағын және орта кәсіпкерліктің саны – 5631.

Ержан ҚОЖАС,
«Сыр бойы»

Ауданда дүкен ашып, үлкен қалалардан зат арту, сауда жасайтындармен қатар кейінгі уақытта өз өнімін дайындап, тұтынушы сұранысын өтеп жүргендер де бар. Тіпті, көбейіп келеді десек болады.

Соның бір мысалы, «Bag-Nic» кондитерлік дүкені. Аудан орталығы – Әйтеке би кентінің тұрғыны Нұргүл Кенжебаева тәттінің түр-түрін пісіріп, елге қызмет көрсетіп келеді. Кәсіпкер мұнымен 9 жылдан бері айналысады.

– Мектеп кезінен қызығушылығым болды. Ол уақытта

интернет жок. Бірақ аспаздық журналдарды сатып алып, содан оқып үйрендім. Басында үйдегі мерекелік кештерге пісіріп, бірте-бірте осы кәсіпке төселе бастадым. Қазалыдағы жеке кондитерлік цехта жұмыс істеген кезім болды. Сол уақыттары Алматы қаласынан келген кондитер маманнан біраз курс алдым. Жалпы өз-өзімді дамыттым десем болады. Кейіннен кондитерлік цехты жалға алып, кәсібімді толық қолға алдым. Маған көбіне-көп қолдау білдірген ағам. Осылайша бір-бірімізді қамшылап,

көп кедергілерді жеңіп, нәтижеге жеттік. Бір түсінігем, өніміңіздің сапасы, дәмі, сондай-ақ дизайны ерекше тартымды болса, ешқашан да тұтынушыдан айырылмайсыз, – дейді ол.

Был орталықтан екі қабатты ғимаратты жалға алған Нұргүл төрт адамды тұрақты жұмысқа қабылдапты. Ғимараттың жоғарғы қабаты түрлі тәтті дайындайтын цех болса, ал төменгі қабатында өнімдерді сату бөлімі орналасқан. Бүгінде ол дайындаған тәтті пирог пен тортка кент тұрғындарынан бөлек, ауылдағы үлкен той иелері мен аудан орталығындағы мейрамханалардан жиі-жиі тасырыс түсіп жүр.

Кенттегі тағы бір отбасы, ерлі-зайыптылар Ғани мен Айнуір да дайын өнімді әкеліп сатудан көрі жергілікті жерден шығатын өнімнің мол болғанын қалайды. Олар үш жылдан бері терезеге арналған түрлі жалюзи, ролл-штор, жапқыштар мен дастархан түрлерін тігіп, халыққа қызмет көрсетуде.

– Негізі бұл кәсіпті 4 жыл

бұрын бастағанбыз. Ал кәсіпкерлікке тіркеліп, заңды түрде жұмыс істегенімізге биыл екі жыл толды. Жолдасым жұмыс істесе де, жалақысы аз еді. Ал мен үш баламен үйде отырғанмын. Тынынан тын құрап, алғаш рет жалюзи, дастархан тіге бастадық. Әйел адамдарға ұнамды дүниелер болғандықтан, біздің өнімдімізді көбіне солар сатып алады. Жалпы отбасылық кәсіпті 400 мың теңгемнен бастадық. Қазір кәсібіміз бірте-бірте ұлғайды, үйге қажетті дүниенің біршамасын тігіп жүрміз, – дейді Айнуір Сүлеймен.

Кәсіпкер отбасы екі жыл бұрын кент ішіндегі «Ай-Тоғжан» сауда орталығының бірінші қабатынан «Декор» студиясы деп аталатын қызмет көрсету орнын ашыпты. Әдетте, олар тіккен қай өнім болмасын жергілікті тұрғындардың көңілінен шығып жүр. Сондай-ақ Айнуірдың ескірген дастарханларды қайта жөндеп, (рес-таврация) өзгеше әрі әдемі қалыпта тігіп беретіні де бар.

Қазалы ауданы



